

**Láhkaásahus Finnmárkku šláddjes lastavuvddiid suodjalanplána birra.
Hárrejoga álbmotmeahci suodjaleapmi Deanu gielddas, Finnmárkku fylkkas.**

Mearriduvvon Gonagasa geassemánu 29. b. 2007-mannosaš resolušuvnnain, geassemánu 19. b. 1970-mannosaš lága nr. 63 vuodul luonddugáhttema birra 8. paragrafas, gč. § 10 ja §§ 21, 22 ja 23. Birasgáhttendepartemeanta lea dan ovddidan.

§ 1. Ráddjejuvvi

Álbmotmeahcci guoská čuovvovaš dállo-./doallo- Deanu gielddas: 32/1, 32/28, 32/83, 32/130, 34/1, 34/24, 34/42, 34/43.

Álbmotmeahcci gokčá su. 683 dekára sturrosaš areála.

Álbmotmeahci rájit bohtet ovdan Birasgáhttendepartemeantta kárttas mii lea beaiváduvvon geassemánus 2007 ja man mihttolávva lea 1: 12 500. Álbmotmeahci dárkilis rájit galget merkejuvvot eatnamii. Čieget merkejuvvojit koordináhtaiguin.

Suodjalanláhkaásahus oktan kárttain galgá vurkkoduvvot Deanu gielddas, Finnmárkku fylkkamánni luhtte, Luondduhállddašandirektoráhtas ja Birasgáhttendepartemeanttas.

§ 2 Ulbmil

Suodjaleami ulbmil lea sealluhit measta lihkatkeahces lastavuovdeguovllu ekovuogádahkan oktan buot lunddolaš šattodagain ja ealliiguin. Guovllu erenoamáš kvalitehta lea dat davvi ja nuorta šlájat mat leat doppe. Guovlu lea erenoamáš sadji mas lea sierralágan šládjačoahkádus ja mas ránesleaibbit šaddet hui davvin.

Álbmotmeahci luondduvuđđosa dikšun lea dehálaš sámi kultur- ja ealáhusávkkástallamii. Guovllu galgá sáhttit geavahit boazodollui.

§ 3 Suodjalanmearrádušat

Álbmotmeahccái gustojit čuovvovaš mearrádušat:

1. Šattodat, dás maiddá jápman muorat ja miestagat, galget suodjaluvvot buot vahágahttima ja bilideami vuostá. Luonddumeahcis ii leat lohpi váldit šattuid dahje šaddoosiid. Ođđa šaddošlájaid gilvin ja buktin dohko eatnamii ja sáivačáhcai lea gildojuvvon.
2. Eallit, dás maiddá beasit ja biejut, leat ráfáiduhthtojuvvon vahágahttima, bilideami ja dárbbasmeahtun ráfehuhttima vuostá. Ealliid ii leat lohpi buktit dohko ja luoitit daid dohko eallit.
3. Dakkár doaibmabijuid ii galgga čadahit, mat rievdadit luonddubirrasa, numo hukset visttiid ja rusttegiid, áidut ja hukset eará gitta ja gaskaboddasaš ráhkanusaid, guođdit kámpenvávnnaid, bráhkaid jed, fatnasiid giddet boijjaide dahje guođdit gáddái, bidjat eatnanbajábeallásaš jođđasiid, eanajođđasiid ja duolvačáhcebohciid, hukset geainnuid, roggat goivvohagaid ja eara láhkai goikadit eatnamiid, váldit, deavdit ja vurket mássa, luoitit kloánka dahje eará čoahkaiduvvan nuoskkidanávdnasiid, guođdit doabbariid, duktet, kálket ja

geavahit kemikálaid luottahuhttinávnasin. Nuoskkideapmi lea gildojuvvon. Logahallan ii leat dievas.

4. Mohtorjohtolat eatnamis ja čázis, dás maddái áibmofievrru girdileapmi ja seaivun, lea gildojuvvon.
5. Álbmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luondduhálddašandirektoráhta sáhtta vuhtiiválddidettiin ráfáiduhhtinulbmila lálkkaásahusain gielldit dahje muddet johtolaga oppa álbmotmeahcis dahje dan osiin.

§ 4 *Oppalaš spiehkastagat*

3. § mearrádusat eai hehte:

1. Militeara operatiiva doaimmaid dahje politiija-, gádjun-, ambulánsa-, buollinsuodjalus- ja bearráigeahččandoaimmaid, ja dakkár dikšun- ja hálddašandoaimmaid čađaheami, maid hálddašaneiseváldi lea mearridan. Hárjehallanvuodjin namuhuvvon doaimmaid oktavuodas gáibida sierra lobi.

3. § nr. 1-3 mearrádusat eai hehte:

2. Geavaheames guovllu guohtumii.
3. Geavaheames goikeovssiid káfedollii.
4. Čoaggimis murjiid ja borramušguobbariid.
5. Bivdima ja gárduma fuodđolága vuodul ja guolásteami luossa- ja sáivaguolástanlága vuodul.
6. Ortnegisdoallamis dálá visttiid ja rusttegiid.
7. a) Doaimmas- ja ortnegisdoallamis dálá energiija- ja fápmorusttegiid. Geaseheapmi mohtorfievrruin gáibida sierra lobi, gč. 5. § nr. 3.
b) Divvumis dárbbu mielde el-fápmolinnjáid fáhkka el-fápmojávkama oktavuodas. Go geavaha mohtorfievrru geaseheapmái, de galgá maŋŋá dieđihit hálddašaneiseváldái.
c) Dási buorideames/ođasmahttimis el-fápmolinnjáid ja stuorrudeames jođasrastáčuohpahaga nu ahte sáhtta loktet gealdodási nu guhká go dát ii eaktut mearkkašatti fysihkalaš rievdadusaid mat rihkkot suodjalanulbmila. Geaseheapmi mohtorfievrruin gáibida sierra lobi, gč. 5. § nr. 3.
8. Čorgemis bálgáid.
9. Dárbbášlaš mohtorjohtolaga buohcci ja lápmašuvvan šibihiid viežžama oktavuodas. Dat fievru mii geavahuvvo, ii galgga olus golladit luonddu. Ovdalgo vuodjá galgá dieđihit bearráigeahččui.
10. Ávnnasteami duoji várás.

3. § nr. 1-4 mearrádusat eai hehte:

11. Vuodjimis muohtaskuhteriin dárbbu mielde boazodoalu oktavuodas.

§ 5 *Vejolaš spiehkastagat ohcama vuodul*

Hálddašaneiseváldi sáhtta ohcama vuodul addit lobi:

1. Čuohppat soggii iežas atnui.
2. Hukset šalddiid ja roviid, cegget galbbaid ja merket bálgáid.
3. Johtalit mohtorfievrruiguin dárbbu mielde go lea doaimmas- ja ortnegisdoallamin dálá enegiija- ja el-fápmorusttegiid ja buorideamen daid dási.

4. Geavahit mohtorfievrru dárbbu mielde dálvesiivun muoraid geasehit.
5. Geasehit mohtorfievrruin dárbbu mielde báhččojuvvon ealgga.
6. Dárbbášlaš mohtorjohtolaga buohcci ja lápmašuvvan šibihiid viežžama oktavuodas.
7. Johtalit mohtorfievrruiguin dárbbu mielde bievlan boazodoalu oktavuodas.
8. Johtalit mohtorfievrruiguin dárbbu mielde go guovlu geavahuvvo sávzaguhtumin; go njoallungeađggit biddjojuvvojit olggos ja dakkáriid oktavuodas.
9. Buoridit daid el-fápmolinnjáid dási dahje ođasmahttit daid el-fápmolinnjáid maidda ii guoskka 4. § 7. čuokkis.
10. Hukset ođđa fápmolinnjáid go dat ii rihko suodjalanulbmila.
11. Johtalit mohtorfievrruiguin dárbbu mielde hárhállanvuodjima oktavuodas dakkár áigumušaiiguin, mat leat namuhuvvon 4. § 1. čuoggás.

Boazodoalu várás láchččojuvvo vejolašvuohta oážžut mánggajagáš lobiid, mat boazodoalus galget oktiordnejuvvot ja váldojuvvot mielde orohatplánii boazodoallolága vuodul, nu ahte ealáhusain sáhtá bargat dohkálaš vuogi mielde.

§ 6 *Oppalaš sierralohpemearrádušat*

Hálddašaneiseváldi sáhtá spiehkastit láchkaásahusas go suodjaleami ulbmil dan gáibida, ja dieđalaš iskkademiid oktavuodas, servodahkii mearkkašahtti mávssolaš bargguid oktavuodas dahje erenoamáš dilálašvuodaid oktavuodas go dat eai rihko suodjaleami ulbmila.

§ 7 *Dikšun ja hálddašanplána*

Hálddašaneiseváldi, dahje dat geasa hálddašaneiseváldi fápmuda válddi, sáhtá čađahit dikšundoaibmabijuid maiguin ollašuhttá suodjaleami ulbmila. Sáhtá ráhkaduvvot hálddašanplána mas sáhttet leat dárkilet njuolggadusat dikšuma várás.

§ 8 *Hálddašaneiseváldi*

Luonduhálddašandirektoráhta mearrida geas galgá leat hálddašanváldi dán láchkaásahusa vuodul. Sámi beroštusat galget fuolahuvvot dan hálddašanortnegis mii ásahuvvo.

§ 9 *Fápmuiboahhtin*

Dát láchkaásahus boahhtá fápmui dálán.